

PRAWO

7647 I

Σύν Θεω

kat.komp.

DISSERTATIONEM JURIDICAM

DE

PARENTUM AD
NUPTIAS A LIBERIS
CONTRAHENDAS
CONSENSU

Magnificò Jurisconsultorum Ordine
Consentiente

In Illustri ad Pregelam Albertinâ

PRÆSIDE

VIRO

MAGNIFICO, PRÆNOBILISSIMO, EXCELLENTISSIMO

DNO. JOHANNE CHRISTO-
PHORO *Goltz*/

U. J. D. & P. P. Ord., p. t. ACADEMIÆ
RECTORE

Præceptore & Promotore studiorum suorum

æternùm devenerandò

Eruditorum examini sistit

CHRISTOPHORUS à *Lohen*/

Prusius.

ANNO 1685. d. 27. Septembr. boris antemer.

In Auditoriò Majori.

REGIOMONTI, PRÆLO REUSNERIANO.

7647. Jus.

541.

VIRIS

MAGNIFICO, PRÆNOBILISSIMO, EXCELLENTISSIMO

DNO. JOHANNI CHRISTO-
PHORO *Bolz* /

U. J. D. & P. P. Ord. Celeberrimo, p. t.
ACADEMIÆ RECTORI,

NOBILISSIMO, AMPLISSIMO, CONSULTISSIMO

DNO. CHRISTIANO *Feyerabend* /

Reip. Cniphof. Regiom. Pro-Consuli
Gravissimo,

NOBILISSIMO, SPECTATISSIMO, DOCTISSIMO,

DNO. EMANUELI CHRISTI-
ANO *Schmiedichen* /

P. L. C. & Civi inter Lœbnicenses
Primario,

PRÆSIDI, PATRONIS, FAUTORIBUS,
Colendo, Suspiciendis, Honorandis



Fœtum studiorum præsentem
D. D. D.

CHRISTOPHORUS *à Lohen* /
Aut. & Resp.



Ligibus impedit Magistratus, nè quid contra bonos mōres fiat. His enim latis quisq; quæ agere sibi conveniat, novit. Leges igitur ferendæ, ut quisquis, quomodo vivere debeat, sciat. Modò dicta locum etiam habent in Societate Nuptiali. Cùm enim Magistratùs intersit scire, quæ Societas in quarum numero & Conjugium seu Societas Nuptialis est, in Republicâ formentur, & harum causâ Leges certas observare jussit. Eam itaq; Legem, quæ agit de Parentum ad nuptias à Liberis contrahendas Consensu, non tantùm Philosophi & Practicæ, sed & Jurisprudentiæ convenire, extra omnem est controversiam.

§. 2. Parentum verò Consensum ad Nuptias à Liberis contrahendas necessariò requirit Jus Civile Romanum *pr. I. de nupt.*, l. 2. §. 18. & 34. *pr. D. de rit. nupt.*, l. 7. §. 12. & 20. *C. de nupt.*, *auth. l. 5. & l. fin. C. de repud.* & *jud. de morib. subl.*, l. un. §. 1. *vers. Oportet. C. de rapt. virg.*, c. 19. N. 22. Hoc autem fieri debere, suadet & naturalis & civilis ratio *pr. I. de nupt.* Naturalis: æquum enim est, ut parentes, qui liberos ad hanc usq; ætatem educârunt, sustentârunt, id honoris habeant, & matrimonio consentiant, vel de eo consulantur, parentes enim optimum consilium pro liberis capere præsumuntur *l. 22. §. 4. D. ad l. Jul. de adult.* & natura omnes gentes obedire parentibus docuit *l. 2. D. de juss. & jure.* At verò obediens est subjectus ei, cui obtemperat, adeoq; tantum negotium absq; ejus, qui ipsi imperat, voluntate & consensu peragere nullo potest modò. Et hinc etiam fuit Civilis una ratio, quia nempe liberi patris potestati sunt subjecti. Altera civilis ratio est, nè invito suus adnascatur hæres *arg. §. 7. I. de adopt.* Quæ rationes efficiunt, ut actus hic absq; consensu patris sit irritus, aded, ut nec dotis, nec donationis exactioni locus sit, atq; nec vir, nec uxor, nec nuptiæ intelligantur *§. 12. I. de nupt.*

§. 3. Consentit cum Jure Civili & Jus Canonicum *c. 1. c. 3. c. 4. C. 30. q. 5., c. 12. c. 13. c. 16. C. 32. q. 2., c. 8. C. 36. q. 2., c. 3. ext.*

qui matrim. accus. poss. Solum quidem eorum, de quorum conjunctionibus agitur, consensum sufficere vult *c. 2. C. 27. q. 2. & c. 23. ext. de sponsal. & matrim.* & eapropter nonnulli statuunt, Jus Canonicum non requirere Consensum Parentum ad nuptias à Liberris contrahendas; verum non simpliciter *locò priori cit.* dicitur, sufficere solum consensum contrahentium, sed dicitur, sufficere secundum leges solum eorum consensum, de quorum conjunctionibus agitur. At leges requirunt consensum parentum, ut ex *antè cit. locis* constat. Sensus ergo hic est, sufficere solum contrahentium consensum, si secundum leges fiat, hoc est, si consentiant consentientibus parentibus, ut leges volunt. Si enim Parentes consensum non adhibuerint, secundum leges nullum sit matrimonium juxta *c. 3. ext. qui matrim. accus. poss.* Et ita etiam locus *cit. posterior* capiendus est, hunc enim tot locus ex Jure Canonico citatis contrariari existimandum non est. Adde, locum hunc potteriore loqui de mutorum & surdorum conjunctionibus, in iisq; solum consensum signis declaratum requirere; excluditur igitur hic consensus, qui fit verbis. Jus ergo Canonicum cum Jure Civili in hoc convenire, est in apicò.

§. 4. Neq; Jus Divinum contrariatur *Exod. XXII. 17. Deuter. VII. 3.* Pertinet huc etiam jusjurandum Israëlitarum adversus Benjamitas *Jud. XXI. 1.* & quæ habet Apostolus *I. ad Corinth. VII. 36. 37.* Et *Numer. XXX. 4. 5. 6.* promissio filix, Deo facta, parentis arbitrio fit irrita, quanto magis promissio filix, homini facta? Hinc etiam Simson eam, quam amabat, antè ducere noluit, quam consensissent parentes *Jud. XIV.*

§. 5. Consentit etiam Jus Provinciale Prutenicum *L. II. T. I. A. I. §. 1.* adeò, ut etiam liberos contra consensum parentum nuptias contrahentes exheredare parentibus permittat nonnunquam *L. c. §. 3.*, quod tamen Jus Civile parentibus non largitur, nisi filius duxerit ignominiosam mulierem *L. 3. §. 5. D. de bon. poss. cont. tab.* Et hoc quidem valuit de Jure Digestorum, post verò in Novellis expressæ sunt causæ, propter quas & non alias, pater liberos exheredare potest *c. 3. N. 115.*

§. 6. Allata melius percipiuntur explicatione vocum; Parentum, Consensus & Liberosum.

§. 7. Per Parentes hic intelliguntur Pater, Avus & alii ex lineâ paternâ ascendentes, in quorum scilicet potestate sunt §. *fin. l. de patr. pot.*, l. 2. § 34. *pr. D. de rit. nupt.*, l. 7. § 12, § 20 *C. de nupt.*, l. *fin. C. de repud. & jud. de mor. subl.*, c. 19. N. 22. non Mater, Avus & alii ascendentes ex lineâ maternâ, nec Avia, Abavia, & aliaë foeminaë ascendentes tum in paternâ tum in maternâ lineâ, quia nempe liberi in horum potestate non sunt §. 10. *l. de adopt. & §. fin. l. de patr. pot.* Requiritur namq; consensus eorum, in quorum potestate sunt, *pr. l. de nupt.*, l. 2. *D. de rit. nupt.* Et Nepos quamvis in potestate Avi tantùm sit, Patris tamen etiam consensum adhibere necessum habet *l. 16. §. 1. D. de rit. nupt.*, nè patri invitus hæres adnascatur, quæ ratio cùm in Nepte nubente cesset, Neptis solo consensu avi adhibitò nubere potest *d. §.* Nec obstat *l. 3 eod.* quæ concedit, si Nepotem ex filio, & Neptem ex altero filio in potestate habeam, nuptias inter eos me solo autore contrahi posse; loquitur enim hæc de speciali casu, si scilicet Nepotis pater non vivat, aliàs ejus consensus requiritur juxta *d. l. 16. §. 1. D. de rit. nupt.*

§. 8. Dictum est, Matris Consensum ad nuptias à liberis contrahendas non esse necessarium, quod tamen videtur esse non solum contra Jus Divinum, quod sub quarto Decalogi Præceptò & Matrem comprehendit, eandemq; honorare jubet *Exod. XX. 12.*, *Deuter. V. 16.*, *ad Eph. VI. 2.*, & *Tob. IV. 3. 4.* Tobias pater filium Tobiasiam inter alia sic alloquitur: *Cùm acceperit Deus animam meam, corpus meum sepeli, & honorem habebis Matri tua omnibus diebus vite ejus. Memor etiam esse debes, qua & quanta pericula passa sit propter te in utero suo.* Sed & contra Jus Civile; nam *l. 6. D. de in jus voc.* & *l. 4. D. de Curat. fur. & al. ex. min. dand.* pietatem æquam Parentibus deberi volunt. *Conf. l. 1. § 2. D. de obs. parent. & patr. prest.*, l. 4. *D. de in jus voc.*, l. 3. *C. eod.* Et natura omnes Parentibus, Patri nempe & Matri, obedire docuit *l. 2. D. de just. & jure.* Præterea non solum Patres verùm etiam Matres ipsos liberos aluerunt & educarunt.

§. 9. Verùm & cùm in Matre unâ cum naturali civilis non concurrat ratio, tum etiam propter fragilitatem sexûs muliebris, & propter inconstantiam foeminarum, nam *Varium & mutabile semper Femina*, inquit Virgilius *IV. Æn. v. 569. 570.* Leges Matris Consen-

sum non requirunt, nec vivente Patre, nec mortuò. Et vivente quidem Patre Leges planè non requirunt Matris consensum, mortuò verò Patre Matris consensum ad Filii nuptias contrahendas non requirunt Leges, ad Filia verò nuptias requirunt, ità tamen, ut, si de nuptiis puellæ quærat, nec inter Tutorem & Matrem & Propinquos de eligendò futurò maritò conveniat, & ipsa puella cultu reverendiæ propriam noluerit voluntatem depromere coràm propinquis, arbitrium Magistratùs necessàrium sit *l. 1. § 20. C. de nupt.*

§. 10. Neq; per Parentes hìc intelliguntur ii, qui mortuis Parentibus sunt Parentum locò, V. C. Curatores, Cognati, Affines &c. Nam *in copulandis nuptiis nec Curatoris, qui solam rei familiaris sustinet administrationem, nec Cognatorum vel Affinium ulla auctoritas potest intervenire, sed spectanda est ejus voluntas, de cujus conjunctione tractatur*, sunt verba *l. 8. C. de nupt.* Et *l. 20. D. de rit. nupt.* dicitur, ad officium Curatoris non pertinere, nubat puella an non, & nubere pupillam suò arbitriò posse. Si tamen puella cultu reverendiæ enunciare nolit, cui nubere velit, Judicem convocatis Curatoribus & Propinquis, decernere posse, antè jam est dictum.

§. 11. Sed neq; per Parentes intelliguntur Parentes Dementes vel Furiosi. Horum enim Filii & Filia absq; consensu & voluntate, hanc quippe furiosi non habent *l. 40. D. de R. F.*, & uxores ducere & nubere queunt legitime, tam dote, quam ante nuptias donatione, à Curatoribus eorum constitutà, coràm Magistratu æstimante & nobilioribus è familià præsentibus *pr. I. de nupt.*, *l. 28. C. de episc. aud.*, *l. 25. C. de nupt.* Conf. Jus Provinciale Prutenicum *L. II. Tit. I. Art. I. §. 7.* *Si Nepos uxorem velit ducere Avò furente, omnimodo Patris auctoritas erit necessaria. Sed si Pater furit, Avus sapiat, sufficit Avi voluntas*, sunt verba *l. 9. pr. D. de rit. nupt.*

§. 12. Neq; porò per Parentes intelliguntur ii Parentes, qui oblatà liberis honestà conditione dissentiant, atq; sinè ullà causà filium hanc uxorem ducere, vel filiam huic nubere prohibent. Hi enim Parentes cùm sint quasi furiosi, per Magistratum sanandi & cogendi sunt, ut matrimonio consentiant *l. 19. D. de rit. nupt.* Nam sinè justà causà consensum denegare Parentes non debent, Bened. Carpzov. *Lib. II. Jurispr. Consist. Tit. III. Def. LII, LIII, LVII.*
Georg.

Georg. Ad. Struvius *Juripr. Rom. Germ. For. L. l. Tit. VI. Num. II.*
Conf. Jus Prov. Prut. *L. II. T. I. A. I. S. 13.*

§. 13. Neq; ulterius intelliguntur Parentes Absentes. Si enim Pater ab hostibus captus sit, & intrâ triennium non revertatur, aut itâ absit, ut ignoretur, ubi degat, & an superstes sit, elapsô trienniô non prohibentur Liberi utriusq; sexûs nuptias legitimas contrahere *l. 9. §. 1. & l. 10. D. de rit. nupt.* aut si Filius vel Filia ejus, qui apud hostes est, vel abest, ante triennium captivitatis vel absentia Patris nuptias contraxit, rectè nuptiæ contractæ sunt, dummodo Filius vel Filia jungatur cum eâ vel eo, cujus conditionem certum sit Patrem non repudiaturum *l. 11. D. eod.* quamvis consentire ob absentiam Pater nuptiis non posset *l. 12. §. 3. D. de captiv. & de postlim.*

§. 14. Neq; tandem per Parentes intelliguntur Patres Liberos in potestate non habentes, seu qui Liberos emancipâruat. Emancipare enim est solvere patriâ potestate, sive è potestate patriâ dimittere. Conf. §. 6. *I. quib. mod. j. patr. pot. solv.*, *l. 36. D. de adopt.* Non enim requiritur consensus Parentum ad nuptias à Filiis emancipatis contrahendas *l. 25. D. de rit. nupt.* Ad nuptias tamen à Filiabus emancipatis, intrâ 25. ætatis annum degentibus, seu virginibus seu viduis, contrahendas, propter fragilitatem sexûs, nè dolô circumveniantur, consensum Parentum requiri æquum est *l. 18. & 20. C. de nupt.*, plerumq; enim fœminæ etiam adversus commoda propria inveniuntur laborare *l. 4. in fin. C. de sponsal.* Egressæ tamen Filia emancipatæ 25. ætatis annum absq; Patris consensu aube-
re possunt. Conf. *Auth. l. 19. C. de inoff. test.*

§. 15. Consensus verò Patris ad nuptias à Liberis contrahendas in tantum est necessarius, ut tanquam jusus præcedere debeat *pr. I. de nupt.* Consentire tamen Pater videtur, qui sciens, nuptias à Liberis contrahi, non contradicit *l. 7. §. 1. D. de sponsal.*, *l. 5. C. de nupt.* Neq; itâ strictè verbum Præcedere hic sumendum est, non enim refert, seu præcedat seu sequatur Consensus Parentum, dummodo is interveniat. *Igitur, sicut desideras, observatis juris præceptis, sociare conjugio tuo, quam volueris, non impedieris, itâ tamen, ut contrahendis nuptiis, Patris tui consensus Accedat,* loquitur *l. 12. C. de nupt.* Accedere autem non est Præcedere, sed potius sequi.

§. 16. Ratihabitio ergo etiam sufficit. Conf. Joann. Schneide-

vvinus & Petrus Heigius *Comm. in pr. Tit. I. de nupt.* Jul. Pacius *Anal. ad Tit. I. de nupt.* Bern. Schotanus *Exam. Jurid. ad Tit. D. de rit. nupt.* Casp. Manzius *Comm. in pr. Tit. I. de nupt.* Patris enim ratihabitio vel principali mandato patris vel consensui non est abfimilis, & sic etiam omnis ratihabitio, quæ non retrotrahitur ad initium nuptiarum, sed ab eo tempore, quo accessit, legitimas eas efficit *l. 65. D. de rit. nupt., l. 13. §. 6. in fin. D. ad l. Jul. de adult., l. 6. C. de nupt.* Franc. Hotomanus *Quest. ill. IX.* Joh. Borcholt, Hubert. Giphanius, Arnold. Vinnius *Comm. ad. pr. I. de nupt.*

§. 17. Contraria sententia, nempe Ratihabitionem retrotrahi, defenditur per *l. 7. in fin. C. ad SC. Maced.* quia & ratihabitiones negotiorum gestorum ad illa reducuntur tempora, in quibus contracta sunt *l. 25. circa fin. C. de don. int. vir. & ux., l. 56. D. de jud. S ubi quisq;* itemq; representat jussum *l. 1. §. 6. D. quod jussum,* & mandato comparatur ratihabitio *l. 1. §. 14. D. de vi & de vi arm., c. 10. de reg. jur. in 6. Conf. l. 68. D. de jur. dot.* Cùm itaq; ratihabitio ea confirmet, quæ ab initio subsecuta sunt, etiam in hac causa (matrimonii scilicet) in qua nusquam specialis tradita exceptio, admittendam esse putant, & quidem in favorem legitimi status liberorum. Liberi enim ex concubinâ suscepti per subsequens cum eâ matrimonium fiunt legitimi *§. ult. I. de nupt., l. 10. C. de natur. liber.*

§. 18. Nec obstat huic posteriori sententiæ (1) *l. 65. §. 1. D. de rit. nupt. & l. 6. C. de nupt.,* ubi dicitur, quod, si magistratus in provinciâ, quam administrat, uxorem contra mandata Principum *l. 38. pr. D. de rit. nupt.* ducat, & ambo post depositum officium in eâdem voluntate perseverent, tum demum nuptiæ justæ efficiantur, & liberi postea nati ex matrimonio justò sint legitimi. Si verò liberi tum demum nati, sunt legitimi, antea nati non erunt legitimi. Eodem modò, inquirunt nonnulli, nati ante consensum patris legitimi non sunt, sed nati post consensum. Quod si hoc, ratihabitio patris non confirmat ea, quæ ab initio subsecuta sunt, & per consequens non sufficit ad nuptias à liberis contrahendas.

§. 19. Et itaq; nullam esse consequentiam. Liberis enim conceditur nuptias contrahere, dummodo habeant consensum parentum,

rentum, & cætera requisita *i. i. l. de nupt. at magistratui ex eadẽ provincia, cui præest, uxorem ducere planè non permittitur juxta d. l. 38. pr. & l. 63. D. de rit. nupt. & l. 2. §. 1. D. de his qua ut ind. auf. atq; sic magistratus ex eadem provincia, cui præest, uxorem ducere absolutè & planè non potest, liberi verò possunt sub certâ conditione, si nempe habeant consensum parentum & cætera, quæ ad nuptias requiruntur *pr. l. de nupt. & observent ea, quæ habentur t. i. l. de nupt. quæ omnia licet adsint magistratui provincie, tamen nuptias contrahere ipsi non conceditur. Dunde sunt expressæ leges aliæ de Ratihabitione nuptiarum à liberis contractarum l. 12. C. de nupt. & Legitimatione liberorum per subsequens matrimonium §. ult. l. de nupt., l. 10. C. de natural. lib., aliæ de Nuptiis magistratus provincie l. 38. pr., l. 63., l. 65. §. 1. D. de rit. nupt., l. 2. §. 1. D. de his qua ut ind. auf., l. 6. C. de nupt., sic, ut quid de quovis statuendum sit, pateat.**

§. 20. Nec obstat (2) *l. 13. §. 6. D. ad. l. Jul. de adult.*, ubi dicitur, quòd, si quis uxorem suam, cujus conjunctioni pater postea consensit, adulterii accusare velit, jure viri accusationem instituere non possit. Hincq; inferunt, uxorem legitimam non esse ante datum à patre consensum, ac proinde nec legitimos liberos, atq; tali quasi modò argumentantur: Ea, quæ uxor est, vel uxoris locò ut sponsa habetur, jure mariti accusari potest. Atqui ea, cujus nuptiis pater postea consensit, jure mariti accusari nequit juxta *d. l.* Ergo uxor legitima non est. Si non est legitima uxor, nec liberi erunt legitimi.

§. 21. *R. Committi hinc Fallaciam Ignoracionis Elenchi.* Non enim thesi contradicit Conclusio, thesis quippe dicit, uxorem ratihabitione patris fieri legitimam maximè propter liberos ante legitimationem natos, ut isti fiant legitimi; quod verò concernit adulterium, ante datum à patre consensum, commissum, eâ ratione uxor legitima non redditur, si enim & hac ratione legitima esset, maritus jure mariti accusationem instituere posset, quod tamen non concedunt Leges. Consequentia autem, quæ ex Syllogismò necitur, atidem nulla est, liberos enim per subsequens matrimonium legitimiari, antè jam est dictum. Conf. Even. Bronchorst *Evantioφ. Cent. III. Affert. IV.*

§. 22. Omnia tamen, quæ pro hac sententiâ stabiliendâ allata sunt

sunt, parum ponderis habent. Namq; (1) Ratihabitio confirmat quidem ea, quæ ab initio subsecuta sunt, atq; sic retrotrahitur, at non omnis ratihabitio, seu non in omnibus casibus *l. 4. §. 6. D. de offic. Proc., l. 13. D. de his qui not. inf., l. 24. D. rat. rem. bab.* Dicitur quidem *l. 7. pr. in fin. C. ad SC. Maced.* generaliter omnem ratihabitioem prorsus retrotrahi, aut intelligendum est, omnem, de qua non est specialis tradita exceptio, ratihabitioem retrotrahi, proinde cum & de ratihabitioem nuptiarum specialis sit tradita exceptio, ut patet ex *LL. §. 16. cit.*, eam non retrotrahendam esse, liquet. (2) Responsiones allatæ non contradicunt priori sententiæ, probant enim, per ratihabitioem nuptias valere, at non probant, valere ab eo tempore, quo contractæ sunt.

§. 23. Propter legitimationem liberorum igitur maximè Ratihabitioem valere volunt Leges. Hinc quoq; si pater moriatur, antequam ratas habuerit nuptias sine consensu suo celebratas, nuptiæ hæ nihil valent, liberiq; in iis concepti, licet etiam post mortem avi ex utero prodierint, sunt illegitimi per *l. 11. D. de stat. hom.*

§. 24. Consensus autem patris requiritur, non coactio, hoc est, consentire patrem, non cogere decet *l. 21. §. 28. D. de rit. nupt. l. 134. pr. D. de verb. oblig., l. 12. §. 14. C. de nupt. Conf. etiam l. 13. D. de sponsal.* Et hic quidem distinguit J. C. inter Filium & Filiam. Filii namq; consensui consensum patris accedere vult, atq; Filium ad nuptias contrahendas cogi vetat *l. 21. D. de rit. nupt., l. 12. C. de nupt.* Filiam verò patri consentire jubet, & tunc solum dissentienti à patre licentiam Filia concedit, si indignum moribus vel turpem sponsum ei pater eligat *l. 11. §. 12. D. de sponsal.* & si Filia patri consentire noluerit, sed luxuriosam degere vitam elegerit, Filiam exheredare permittit *c. 3. Nov. 115.* Et hoc quidem est patris jus in Filiam non emancipatam, quod tamen in emancipatâ, minore viginti quinque annis, mutatum est sic, ut tam patris quam filia voluntas exploranda sit, *l. 20. C. de nupt.* ita tamen, ut, si pater & filia dissentiant, Judicis autoritas adjungatur, & si pares sint genere ac moribus competitorum, is potior existimetur, quem sibi consulens mulier approbaverit *l. 18. C. eod.* E quibus patet, arbitrium Filiarum non æquè esse liberum ac Filiorum.

§. 25. Quod tamen Jure Canonico ac moribus non obtinet.
Licet

Licet enim parentes possint pro liberis suis matrimonia contrahere, c. 10. & c. 29. ext. de sponsal. & matrim. matrimonia tamen hæc effectum non sortiuntur nisi consentientibus liberis c. 2. C. 31. q. 2. & c. 1. ext. de despons. impub. & c. un. §. fin. de despons. impub. in 6. Jus Prov. Prut. L. II. T. I. A. I. §. 9. & cum matrimonia debeant esse libera c. 17. & c. 29. ext. de sponsal. & matrim., atque plenâ debeat ille securitate gaudere, cujus animus matrimonii causâ indagandus est, ne per timorem dicat sibi placere, quod odit, & sequatur exitus, qui de invitâ solet nuptiis provenire, c. 14. ext. de sponsal. & matrim., liberorum consensus magis attendendus est, neque liberi ad nuptias contrahendas sunt cogendi, cum coactiones, difficiles soleant exitus frequenter habere, c. 17. ext. de sponsal. & matrim. Et hinc decernit etiam Jus Canonicum, ut, si puella virum omnino renuit, & in eadem voluntatis autoritate persistit, viroque illi prorsus se denegat nupturam, nequaquam ea invita & resistens ejusdem viri cogatur conjugio sociari. Quorum enim unum corpus est, unus debet esse & animus: ne forte virgo, cum fuerit alicui invita copulata, contra Domini Apostolique præceptum, aut reatum disidii, aut crimen fornicationis incurrat. Cujus videlicet peccati malum in eum redundare constat, qui eam conjunxit invitam. Quod pari tenore de virò etiam est sentiendum, sunt verba ex c. 3. C. 31. q. 2.

§. 26. Si verò parentes liberos his vel illis in conjuges dare, promiserint, matrimonia autem effectum non sortiantur, seu quòd liberi non consentiant, seu aliâ etiam de causâ, etiam si sub pœnâ certâ promiserint, pœna exigi non potest juxta l. 134. pr. D. de verb. oblig., c. 29. ext. de sponsal. & matrim., Jus Prov. Prut. L. II. T. I. A. I. §. 11. Conf. l. 5. C. de instit. & substit., ubi dicitur, concordiam maritalem omni lucro præferendam esse. Sed licet cum juramentò etiam parentes promiserint, tamen, si matrimonium liberis dissentientibus non sequatur, parentes perjuri non fiunt, intelligendum enim est in juramentò, si liberi consenserint, nisi enim hoc, juramentum esset illicitum, & eapropter quoque non servandum. Consentire ergo, non cogere, licet patri.

§. 27. Liberorum autem appellatione intelliguntur hîc tam Filii quàm Filia, tam Nepotes quàm Neptes, & reliquæ descendentes personæ in potestate Parentum (quorum nomine & Avus & reliqui

ascendentes Mares in lineâ paternâ hâc locò comprehenduntur) non dementium vel furiosorum, sed sanâ ratione utentium, non absentium, sed præsentium, existentes, nec non Filix licet emancipatæ, seu virgines seu viduæ, intrâ 25. ætatis annum degentes, *l. 18. § 20. C. de nupt.* Hæ namqve personæ omnes Consensum Parentum ad nuptias contrahendas habere necessariò debent.

§. 28. Consensum itaqve Parentum ad Nuptias à Liberis contrahendas esse necessarium patet. Ast

§. 29. Objicitur I. Quibuscunqve in potestate patriâ constitutis, absqve consensu parentum monasterium ingredi licet, iidem quoqve nuptias sine parentum consensu contrahere possunt. Sed Liberis in potestate patriâ constitutis absqve consensu parentum monasterium ingredi licet *l. 51. pr. & l. 56. §. 1. C. de episc. & cler.* Ergo Liberi in potestate patriâ constituti nuptias sine parentum consensu contrahere possunt. Verùm R. ad Majorem, negandò consequentiam. Nam (1.) qui monasterium ingreditur, non præjudicat patri, maximè verò is, qui nuptias contrahit. (2.) In omni monasteriò pietas & Christiani mores exercentur, sic ut ingredienti illud nihil mali metuendum sit, adeoqve non opus habet consiliò parentis, matrimonia verò cum multis sæpe variorum malorum causæ existant, cautè nec absqve consiliò contrahenda sunt.

§. 30. Objicitur II. Quorumcunq; bene concordans matrimonium, fortè & liberis subnixum, jure patriæ potestatis non est turbandum, ii. absq; patris consensu matrimonium contrahere queunt. Sed liberorum bene concordans matrimonium, fortè & liberis subnixum, jure patriæ potestatis non est turbandum *l. 1. §. fin. D. de lib. exhib.* Ergo liberi absq; patris consensu matrimonium contrahere queunt. At R. itidem negandò in Majore consequentiam. Multa enim possunt impediri, dum nondum sunt facta, quæ tamen jam facta tolli non possunt.

§. 31. Objicitur III. Quicumq; in publicis causis locò patris familias habetur, ei absq; patris consensu uxorem ducere licet. Sed filius familias in publicis causis locò patris familias habetur *l. 9. D. de his qui s. vel al. jur. s.* Ergo filio familias absq; patris consensu uxorem ducere licet. Sed R. nullam esse in Majore consequentiam, uxorem enim ducere non est publicæ causæ, vel publici juris aut officii.

§. 32. Ob-

§. 32. Objicitur IV. Quicquid adversatur libertati matrimonii, non est admittendum. Sed parentum ad nuptias à liberis contrahendas consensus adversatur libertati matrimonii. Ergo parentum ad nuptias à liberis contrahendas consensus non est admittendus. & negandò Minorem. Liberi enim matrimonio, cui volunt, jungi possunt, dummodo accedat parentum consensus *l. 21. §. 28. D. de rit. nupt., l. 12. §. 14. C. de nupt.,* qui cum optimum consilium pro liberis capere præsumantur *l. 22. §. 4. D. ad l. Jul. de adult.,* nè liberi infelix matrimonium ineant, prudentiâ tuâ avertere possunt. Si tamen parentes bene concordanti matrimonio consentire nolint, per magistratum cogi possunt, ut consentiant *l. 19. D. de rit. nupt.* Adeoq; parentum consensus nil libertati matrimonii derogat. Conf. Hubert. Giphanius *Antin. J. C. L. I. Disp. III. n. 19. & seqq.*

§. 33. Cùm in Objectione II. mentio facta sit matrimonii contracti, lubet quærere, an matrimonium jam contractum, propter parentum disensum sit rescindendum? Ad quam quæstionem ut bene respondeatur, statuunt duos casus: aut enim copula carnalis jam est subsecuta, aut non est. Si est subsecuta, matrimonia rescindi non debent, licet consensus parentum abfuerit *c. 6. ext. de raptor. incend. & viol. eccles., l. 1. §. fin. & l. 2. D. de liber. exhib.* Res quippe tum non amplius est integra, & majus scandalum fieret, imò maxima injuria mulieri violatæ & desertæ. Multa quippe matrimonium contrahendum impediunt, quæ contractum non dissolvunt, *l. 8. junct. glosf. in verbò Retinere D. de his qui sui vel al. jur. s. Conf. l. 16. §. 2. D. de rit. nupt.*

§. 34. Si verò copula carnalis nondum est subsecuta, matrimonium rescindi posse probatur (1) quia consensus parentum necessariò requiritur ad nuptias à liberis contrahendas. (2) quia, si matrimonium ob disensum parentum rescindi non posset, cuilibet nequam, viri honesti filiam decipere & quasi furari licitum esset, quod quàm absurdum & non conveniens sit, nemo non videt. Nec locum invenit Objectio, quæ desumitur ex *Matth. XIX. 6.,* ubi locorum dicitur: *Quod ergo Deus conjunxit, homo non separet.* Quis enim hos à Deo copulatos esse dixerit, qui sinè consensu parentum, quem Leges & Deus ipse *Exod. XXII. 17. & Deuter. VII. 3.* adesse nuptiis liberorum volunt, nuptias contraxere? §. 35. Hæc

§. 35. Hac verò distinctione neglecta absurdum esse videtur absolute, vitiosum per aliud aequè aut magis vitiosum confirmari. Hugo Donellus *Comment. Jur. Civ. L. XIII. C. XX.* Si tamen matrimonium sit bene concordans, & honestæ adsint conditiones, dubium est, an id rescindendum, an verò parentes persuadendi vel cogendi sint, ut consentiant, *l. 1. §. fin. D. de liber. exhib., l. 19. D. de rit. nupt.* Sed utraq; sententia ex jure & æquitate in conflictu defendi poterit.

Tantum,

COROLLARIA.

I. Licet pater liberos nunquam cogere possit ad nuptias contrahendas, liberi tamen patrem nonnunquam ad consentiendum nuptiis cogere possunt *l. 19. D. de rit. nupt.*

II. Jus Publicum in Academiis doceri potest.

III. Plus agit leges ferens, quàm easdem examinans.

IV. Plus agit Jurisconsultus leges interpretandò, quàm Politicus easdem ferendò.

V. Legem nemo ferre potest, nisi habeat summam potestatem, aut nisi ipsi ab eo, cui summa potestas est, concessum sit *l. 2. §. 47. vers. Primus Divus August. D. de orig. jur., l. 1. & l. ult. C. de leg. & const. princ.*

VI. Consuetudo cum non minùs quàm scripta lex obtineat, *l. 32. l. 33. l. 35. l. 38. D. de leg. SC. & long. consu.*, tollit priorem legem *d. l. 32. in fin.*, vel interpretatur eandem *l. 37. D. eod.*

VII. Duorum fratrum, vel sororum, vel fratris & sororis liberi matrimonio conjungi possunt & Jure Divinò, conf. *Numer. XXXVI., u. Jos. XV. 16. 17.*, & Jure Civili §. 4. *l. de nupt., l. 3. D. de rit. nupt., l. 78. §. 8. D. ad SC. Trebell., l. 19. C. de nupt.*, non Jure Canonico *c. 16. c. 17. c. 19. c. 20. c. 21. C. 35. q. 2. §. 3., & c. 2. C. 35. q. 5., & c. 8. extr. de consangu. & affin.*, non Jure Provinciali Prutenico *L. II. T. II. A. I. §. 8.*

VIII. Scito Macedoniano filius familias renunciare non potest.

IX. Scito Vellejano mulier renunciare potest *l. ult. §. 4. D. ad SC. Vell., l. 21. C. eod., Auth. Matri & avie & l. fin. C. quando mul. tut. off. fung. pot., c. 5. Nov. 118.*

X. Cui non adfuit dolus seu animus injuriandi, injuriarum non tenetur *l. 34. pr. D. de obl. & act., l. 3. §. 1. §. 3., l. 4. l. 15. §. 23. §. 38., l. 18. §. 4. D. de injur. & fam. lib., l. 5. l. 9. l. 10. C. de injur.*

S. D. G!

Tu Patris haud duri consensum poscis, *Amice,*
Conjugii si quis foedus inire velit,
Consensum subscribo tuo, *Charissime,* juris,
Proposito faveat foemina virque tuo.

a. m. m. s.

JOHANNES CHRISTOPHORUS *Bolz!*
D. h. t. Rector. Disp. Praefes.

P*Luribus intentos hebetes ad singula sensus:*
Nescio, num justè carmina prisca canant,
Hoc siquidem Tua charta negat, quâ scri-
bere gestis,
Quæ Jus, Euclides & Medicina docent.
Utile sic misces dulci, mediumqve sequendo
Mensurae ad modulum Te studuisse pro-
bas,
Det Galenus opes, det Justinianus honores:
Ut punctum meriti, sortis & omne feras!

Nobilissimo & Politissimo Domino Re-
spondenti, Auditori perindustrio, eru-
ditionis specimen disputatione Juridi-
ca, Medica, & Mathematica feliciter
exhibenti, officiosè pos.

CAROLUS FRID. LAU,
U. J. D. P. P. & supremorum Ju-
diciorum Advocatus.

A Mon-

A Monsieur l' Auteur & Répondant de cette Dispute.

L Es TROIS Consentemens pour faire un mariage,
Dont ces deux feuilles cy discourent davantage,
Témoignent plus qu'assez, & monstrent en effet,
Que le nombre de TROIS est tout à fait parfait.
Je ne veux mettre plus pour aucun autre exemple,
Que vos TROIS Disputes: car, quand on les contemple,
Il faut qu'on dise aussi, que vous estes parfait
En ce que vous sçavez: témoin en est l'effet:
Vous brillez des éclats d'une TRIPLE Couronne
Du vray honneur, qui vous aujourduy environne,
Pour le sçavoir exquis de tant de qualités:
Elle est faite de TROIS diverses facultés:
De Droit, de Medecine & de Philosophie.
C'est l'honneur le plus grand, lequel nous signifie,
Que vous tâchez toujours d'avancer plus avant,
Pour acquerir le nom d'un Homme Tres-sçavant.
Cette Couronne cy vous sera eternelle,
Et vous fera jouir d'une gloire immortelle,
Attendu que depuis cette Université
A peine a-t'on jamais veu telle rareté
De lire à ce tableau TROIS diverses disputes
Affichées ensemble, & faites des études
D'un seul & mesme Auteur & mesme Répondant;
En homme de sçavoir ses Theses defendant.
Le prix, que vostre esprit de vostre peine tire,
C'est qu'un chacun, qui lit ces pages, les admire,
Disant: ma foy, depuis cette Université
On n'a encor jamais veu telle rareté.

*Pour accompagner toutes les autres felicita-
tions faites à Monsieur de LOHEN pour
ses TROIS Disputes bien dignes d'estre
admirées de tout le monde, ces peu de ri-
mes ont icy esté mises par*

Georg. Frideric. May, Francon.

—(o)—

